

فريق التفريغ بموقع الطريق إلى الله

يقدم

من سلسلة "أسرار العشر"

أسرار عرفات

(باللهجة المصرية)



لفضيلة الشيخ: حازم شومان

رابط المادة : <http://way2allah.com/khotab-item-81398.htm>

بسم الله والصلاة والسلام على رسول الله، الحمد لله وكفى وصلاةً وسلاماً على عباده الذين اصطفى.

يا جماعة النهارده هنتكلم عن أخطر يوم.. أسرار عرفات

هو أسرار ليه عرفات؟! ده عرفات كله أسرار

١- فيه فعل من أفعال الله بيحدث في عرفات لا يحدث في تاريخ البشرية إلا في الجنة

حد يعرف الفعل ده إيه؟! مذكور في صحيح مسلم "يتجلى الله" فيباهي بأهل عرفات الملائكة، أنا جمعت أحاديث

تجلي الله في يوم المزيد في الجنة ويوم القيامة بس.. مفيش في الدنيا كلمة "يتجلى الله" إلا في عرفات.

عارفين يوم المزيد ده في الجنة إيه ربنا بيجمع أهل الجنة ويقول لهم تمنو يا أهل الجنة ويتجلى لهم الله ويكشف

الحجاب فيسألونه حتى تنقطع الرغبة، ماعادوش لاقين حاجة يطلبوها.. اللي شاف قصر في الفردوس طلبه واللي

شاف يخت في جنة الريان طلبه وكله بيطلب وانقطعت الرغبات فحينئذ يفتح لهم الله "ما لا عين رأت ولا أذن

سمعت ولا خطر على قلب بشر" صحيح البخاري

يا جماعة ما لا عين رأت دي في الدنيا ماشي، الدنيا دي كلها جناح بعوضة إنما أهل الجنة ربنا يديهم كل جمعة ما

لا عين رأت، -في يوم المزيد- "ما لا عين رأت" معناها إن الجنة كل أسبوع نيولوك عن الأسبوع اللي قبله، معناها

إن ربنا بيديهم ما لا يروه حتى في الجنة، معناها إن نعيم الجنة تصاعدي.. هو ده يوم المزيد.

يوم يتجلى الله كل جمعة لأهل الجنة ولما يتجلى الله بيغرقهم في الكرم والعطاء.. الجنة كأنها بتجدد كل أسبوع بما

لم يتخيله حتى أهل الجنة وهم في الجنة.

المعنى ده أنا عايز أرجع بيه بيتجلى الله يوم عرفات، لما ربنا يتجلى معناها هيدينا إيه؟ هيفتح علينا بإيه؟ هيحبونا

بإيه؟

٢- نظام عرفات بالثانية

إحنا قلنا الدقيقة في عرفات بتكفر ذنوب يوم، من حديث إن صيام يوم عرفات بيكفر سنتين يعني الدقيقة بيوم يعني

الثانية بـ ٢٤ دقيقة الـ ٢٤ دقيقة دول الشاب لف لفة يعاكس فيهم بنات أو دخل على موقع وحش أو الشاب وقع

فيهم في معصية سر، يعني الثانية بتكفر كارثة.

يا جماعة نظام عرفات بالثانية.. يا جماعة في يوم عرفات يتجلى الله.

٣- يوم عرفات ربنا سماه في القرآن شاهد ومشهود

مشهود.. نفس الاسم اللي ربنا قال عنه عن يوم القيامة "ذلك يوم مجموع له الناس وذلك يوم مشهود"، من كتر الملائكة اللي بتشهده.

٤- عرفات يوم تجديد العهد مع الله

بنجدد العهد تاني ده ولاده كلنا بنتولدها من جديد. عايزين نظام عرفات بالثانية نطبقه، عايزين ولا لحظة من عرفات نسيبها.

٥- خير الدعاء دعاء عرفات

يعني أحسن دعاء مستجاب هتدعيه طول السنة، يعني أفضل من الثلث الأخير من الليل، ليه؟ التلت الأخير من الليل الرسول -صلى الله عليه وسلم- قال ربنا "يتنزل"، في نصف شعبان الرسول -صلى الله عليه وسلم- قال ربنا "يطلع"، إنما في يوم عرفات الرسول -صلى الله عليه وسلم- قال "ربنا يتجلى" يعني أعظم من أي حاجة تانية.

إدّا عرفات ده يوم مليون أسرار سكنت في قلوب الصالحين تجاه الله عرفات أكثر يوم الصالحين سكت عبرتهم فيه وسالت دموعهم فيه واهتزت مشاعرهم فيه وهتفوا بالدعاء إلى الله فيه، عايزين بإذن الله -سبحانه وتعالى- نعيش أسرار عرفات بيننا وبين ربنا.

تم بحمد الله

شاهدوا الدرس للنشر على النت في قسم تفريغ الدروس في منتديات الطريق إلى الله تفضلوا هنا:

<http://forums.way2allah.com/forumdisplay.php?f=36>